

## MATURALNI DAN SVRŠENIKA MEDRESA I GIMNAZIJA

Sarajevo, 9. juni 2014. (MINA) - Tradicionalna manifestacija „Maturalni dan“, učenika završnog razreda medresa, Prve bošnjačke gimnazije iz Sarajeva i Islamske gimnazije dr. Ahmeda Smajlovića iz Zagreba, održana je danas u auli Fakulteta islamskih nauka u Sarajevu. Na početku je dobrodošlicu prisutnim zaželio dekan Fakulteta islamskih nauka dr. Ismet Bušatlić.



Amina u društvu zamjenika reisu-l-uleme

Nakon obraćanja dekana dr. Bušatlića, pozdravnu riječ je uputio rukovodilac Vjersko-prosvjetne službe Rijasetu dr. Amir Karić.

On je maturantima čestitao uspješno završeno srednje školovanje, a direktorima, njihovim pomoćnicima, profesorima i profesoricama, odgajateljima i odgajateljicama je zahvalio što su svojim radom i zalaganjem pomogli u odgoju i obrazovanju i izveli još jednu uspješnu generaciju.



Dr. Amir ef. Karić, rukovoditelj vjersko-prosvjetne službe

Učenike i učenice je pozvao da budu radost svojim majkama i očevima i svima koji su pomogli da budu danas ovdje na ovoj ceremoniji, da se pomažu u dobročinstvu i bogobožnosti i da budu oslonac medresama, cijeloj Islamskoj zajednici, svom narodu i domovini.

U ime učenika generacije obratio se Ammar Cikotić.

Zamjenik reisu-l-uleme Husein ef. Smajić je prenio selame i čestitke Reisu-l-uleme najboljim učenicima generacije. Rekao je da će oni na najbolji način predstavljati Islamsku zajednicu i da uvijek u životu, bez obzira šta bili i šta radili imaju na umu da su svršeni medresa. Zatim im je uručio diplome i medalje učenicima generacije: Ammaru Cikotiću i hfz. Fatimi Bektaš iz Elči Ibrahim-pašine medrese, Davudu Efendiću i Kaniti Krdžalić iz Behram-begove medrese, Ševalu Selimoviću i Merjemi Mekić iz Gazi Husrev begove medrese, Ahmedu Hasanagiću i Sadžidi Ljubijankić iz Medrese Džemaludin Čaušević, Edinu Husiću i Emini Pivčić iz Karađoz-begove medrese, Bakiru Deliću i Amri Strika iz Medrese Osman ef. Redžović, Senadu Dazdareviću i Sumeji Ujkanović iz Medrese Gazi Isa-beg, Enesu Kriještorac i Amili Jakubović iz Prve bošnjačke gimnazije u Sarajevu i Amini Alili iz Islamske gimnazije dr. Ahmeda Smajlovića iz Zagreba.



Učenice i učenici medresa i gimnazija u auli Fakulteta islamskih nauka u Sarajevu



I na kraju - dova, kao što priliči u ovakvim prigodama